

貢禮部玩齋集卷之三

元宣城貢師泰南著

五言律詩

冬至

子月先三正初陽動六虛氣從溫室候雲向曉臺書自許心猶
壯誰嗤髮已疎乾坤萬里客何計樂樵漁

太平三山值風

天塹東南地長夜日夜流大風吹水立驟雨挾山浮浩蕩秋黃
鶻欹傾舞白鷗莫憐舟似葉此亦壯哉遊

蕪湖

昨日何處別今朝此地留青山逼岼起白水滿江流雨隱巡鹽
鼓風腥掛網舟何時歌歎乃同買綠簑遊

遊麻姑萬松菴

秋日訪招提雲深處
迷殿門松影直庭橫
藥苗齊接竹通流
水編籬護野畦
道人偏愛客留得樹頭梨

又

積雨變秋思清游愜道心
過橋分履迹問寺逐鐘音
紅墮鳥爭果綠深魚占陰
何當脫塵鞅重此契幽尋

贈方外閒人

白日青天外壺中別有春
江湖萬里客宇宙一間人
採藥雲歸袖看花月滿身
何時重會面醉拂布袍塵

遊江陰君山

孤嶂臨滄海千山湧大江
遠帆歸市獨高塔倒波雙
鷗鷺爭洲漱蛟龍怒石砭
壯游心未已飛雨灑樓牕

遊許墅龍華寺

偶到龍華寺因同半日留
禪林將結夏客路尚如秋
衆樹綠偏

靜一花紅更幽最憐高岫柳
容易繫行舟

遊虎丘

海上地偏勝吳中山更奇
畫圖雲洶涌冠佩石參差
花落談經坐苔封試劍池
倚闌烟水濶千載一鷗夷

聽雨堂為周叔量賦

聽雨高堂上君家好弟兄
深催暮色竹窗助秋聲
列坐情方適連床夢屬驚
却憐江海闊鴻雁每孤征

題韓與玉所藏春山行旅圖

乾坤春浩蕩江海日舒徐
孤客千山騎雙童一篋書
桃花溪口渡松葉嶺頭居
何日西湖上從君晚結廬

召州寄楊子秀

路轉千峰合溪通一帶斜
飯炊黃渡雪酒染赤城霞
未訪仙人宅先尋博士家
近聞歸隱處盡種碧桃花

興化湄洲島祠天妃還

清朝嚴典禮宣閣遣詞臣衣帶天邊雪
夜迤海上春稍能更祀事六足慰疲民
萬里行方遠朝來更問津

又

夜宿吳山上朝行莆海東地偏元少雪
天闊自多風不見波濤險寧知造化功
百年神女廟長護海霞紅

題程以文竹雨山房

山人愛種竹高上雲端屋近琅玕潤
林深翡翠寒好我鳴鳳管莫截釣魚竿
白髮相鄰處時一問安

又

天上春雷起山中夜雨過林聲遙帶瀑
池影淨生波對坐此君獨迎門稚子多
何時深翠裏擊節共長哦

梁山梁

涼雨忽飛過濕雲猶涌來渚花紅陣
汀樹綠堆一鶴搏空起雙鳧觸浪開
梁山非舊俗禾黍滿高臺

東昌次孟景章韻

溪滑魚苔淺沙柔馬蘭長一鷗當水浴
雙燕背人翔客路頻看月征帆尚帶霜
灣見衣柳回首重思鄉

送陳子敬赴南昌尉

送君南作尉黃綬去翩縣倚邊江
碑花迎上水船自憐官主印人喜吏如
仙定見雙鸚鵡飛來御史前

送園子伴讀張德貞歸湖南

薊北湖南路孤舟萬里程晴天黃鸝
健春水白鷗輕芳草歸時恨閑衣別後
情定知袍笏貴不似綵衣榮

南城監試和同院張進遠韻

清朝隆禮治仙館榮賢良冠冕山河
大章文日月光九閩嚴虎

五言集卷三
五
豹千仞下鸞凰此日橋門盛何論漢與唐

送李盤野

秋水夫容畔孤帆天上歸青山四面起白鴈數行飛里父供新
醪家人澣舊衣封侯定何事且理釣魚磯

題劉子明西雪亭

野樹偏宜晚江花欲變秋暝明霞散綺簾暗月沉鉤解補青山
闕還生白髮愁何時作霖雨却共水東流


送國子生哲德明歸淮西覲省

落日青山外西風白鴈邊幾人同飲酒一客自開船江蟹經霜
美淮魚出水鮮遙知到家日白髮語燈前

送華以愚南歸

禁城秋雨後奈此薄寒何江上書未少吳中客去多莫帆依橘
柚晨爨就蒲荷遙想歸榮處鄉人日醉過

五
三
二
一



五
三
二
一

五

又
日移棋局晚山落酒盃寒欄蝶穿花濕窓禽飲硯乾夢魂空宛
白音問阻長干多病文園容秋來強自安

春晚書懷

東吳喪亂後消息竟何如日望平安信空傳報捷書壯心徒感
激老淚獨歎歎坐對垂楊晚行人江上踈

又

江黑雨將至水高潮正來夜隨兩岸別鷗逐片帆開世治逢多
難吾生愧不才飄零添白髮見者莫敢驚猜

寄靜庵上人

細花桐花晚微風麥氣秋王符偏好學宋玉不勝愁世事同蕉
鹿人心類棘猴何時虎溪上還共遠公遊

憶姪景

相望亦何遠夢中頻見之干戈連數歲書問動時寂寞楊雄
賦飄零杜甫詩江東春樹綠偏重阿咸思

又

自汝南臺去棲遲兩見春鼓鼙江上月烽火海邊塵衰病全非
昔傳聞總不真近知更大將旗幟一時新

憶吳會草堂芭蕉寄汪仲恭

別後芭蕉樹青，定長成月移窓上影雨送枕邊聲愛惜煩吾
友飄零愧此生更需衣實大同飲華露清

和馬仲舉五秋韻

酒盡青山莫書從白鴈過長風斷跡雨疎月掛明河故國逢人

少新秋到客多不知滄海上何日罷干戈

又

一向城東住荒涼客少過疾雷時送雨陋巷忽成河自許丹心
在誰嗤白髮多平生二三策可是勝橫戈

題朱貞夫東莖草堂

幽人海昌住草屋向村墟擊竹頻呼竊分泉謾種魚梨花春巷
冷榆葉夜窓虛細雨篝燈火匡床正讀書

題與屯秋江墨蹟

滄江渺何許歲晚正愁予密諫囊無橐閒吟卷有書青天來鸞
鷺秋水照芙蓉風致今誰似令人憶使車

贈李可度

當年丞相祿孤劍泊天涯白日懸心事青春老髮華定憐馮首
路終愧遜無家志士須聞道人情付落花

赴京道中

風雨新河口孤舟出日行送多親友意別見弟兄情路識春山
熟洲迷雪水生臨歧重回首一鴈起江城

茅市簡友人

顧我行方遠憐君意倍親雪蓬依渡口雨笠待河濱酒熟還留
飲詩成不厭相期重下馬花柳隔年春

贈張士方

昔年東海上曾共綉衣行小吏啣冤久分司用法平江沙清可
教海月晦還生陰德今誰似于公有令名

以拄杖贈程以文先生

海上梳柳樹殷勤舉一枝功能扶正直力可濟顛危文玉膚生
潤玄犀頂換奇何時同野服江海遠相期

茂上人古木圖

老龍起聽法蛇骨在空山雲迫青天潤風未白日閒曲身雖偃
蹇直氣自孱顏株坐誰偏似禪歸畫掩閑

鵬窩驛

鵬鷲入雲去空巖遺舊窩冷烟迎日少晴雪背陰多樓上群鳥
集蕭蕭、數騎過此時孤館客歸思竟如何

洪棧驛

萬壑從東下群奔向北圍牛車絕水去驢馱負薪歸隙日斜窺
戶尖風直透衣羈懷正無賴一鷲向南飛

王元吉蘿月山房

每愛城南宅空進坐夜分陰垂青裊、光漏白粉、卷幔飄花
露開尊度碧雲何時舉薛荔猿窺與同群

教上人蒲室

上人蒲作室絕似睦州禪父母今誰養弟兄惟汝賢齋房連菴

竹佛座擁紅蓮明日長蘆去春江正拍天

許光遠先世讀書樓

高樓當浦上有客正看書門對千峰暝闌回萬象虛榜殺飛宿
鳥澄影避潛魚留得題詩在諸孫更卜居

會稽韓道士滄洲

風雨四山至空江生早寒白鷗秋水上海鷗莫雲端杜若人移
棹蓬萊客倚闌何時分一曲同把釣魚竿

貢禮部玩齋集卷之三終

貢禮部玩齋集卷之四

元宣城貢師泰泰甫著

七言律詩

和石田馬學士殿試後韻

丁卯歲學士與先君同為讀卷官在院唱和甚多此則放榜後所作韻也

春風馳道入宮牆青瑣深沉引夕郎
草染綠波生太液花扶紅日上枝香聲名已重千金璧恩寵方隆七寶牀
治世斯文今極盛九天星斗自成章

送賈有恒赴潞城縣令

上黨人參五葉齊郎君今日馬行西滿溪
藍水魚初上繞縣青山鷺亂啼
小吏報籌衙欲退長官封印手還題
洛陽自古多才思好賦新詩寫赫蹏

送陳太祝使江浙收禮器樂書二首

天子齊明奉宗廟容臺祗飭備儀章雲雷出地雕彝鼎日月懸
天畫衮裳駟騎書傳山木陰船窓風度水花涼過家莫醉紅樓
月上國迴鸞欲禘嘗
六月樓船泛御河太平樂譜自編摩鳳鳴嶰谷曾吹律馬出蒲
稍更作歌古尺要將諸部定新聲還用四清和器成早入神庭
奏人頌明時瑞應多

壽巉巉子山學士

上林春滿樹蒼蒼別殿新頒外國香龍虎風雲依日馭斗牛河
漢列天章瀛洲勅賜黃金榜學士名高白玉堂千載太平今有
在文昌高映紫微光

崇真宮醮罷勅畫吳宗師像

海日曛曛照九衢霓旌霞旆擁高居尚方勅畫儂官像中使傳

宣學士書劍氣朝寒垂白練丹光夜暖出紅蕖石壇醮罷清如
水猶聽松陰起步虛

贈盧醫

豫章盧斌好遠遊落魄燕臺今白頭酒家不識灤都尉女子過
知韓伯休天祐結實庭戶晚山藥作花籬落秋投老欲歸尋舊
隱忽騎孤鶴過揚州

畫馬

漢家旌節渡流沙奪得戎王鐵喙駟天上白魚秋弄影月中玄
兔夜生花九圖竅入將軍筆八駿神空阿母家獨控奚官更起
絕長楸錦隊謾如霞

送黎兵胡萬戶南還

將軍仗策去安邊詔下東南萬里天雲海旌麾趨玉帳春江鼓
角載樓船黎人滿溜檣柳水蠻戶齊分牡礪田遙想軍中無一

事坐驅千騎獵平川

送陶翁歸豫章

秋雨初晴穉徑香
蟹紅魚白憶江鄉
十年客枕鷄聲月
千里歸帆鴈背霜
入室親朋羅酒饌
上堂兒女挽衣裳
逢人莫說京華事
漢署今無白髮郎

費秀才進所著春秋歸

雲滿青山雪滿頭
一生辛苦著春秋
抱書不向公車獻
遣使須煩謁者求
翁子行年當富貴
虞卿終老豈窮愁
玉盃繁露應非舊
更請先生為校讐

送壽弘毅應奉赴興國路經歷

院門深鎖落松花
東接蓬萊小海斜
絳蠟夜深催視草
紫泥春早聽宣麻
鳳凰池上人辭直
鴻鴈江南客過家
幙府秋來清似水
吟詩應對白鷗沙

次泗安光上人韻是日聞有供奉之除

水氣朝寒生白烟
寺前楊柳繫吳船
佛燈紅映流蘇座
僧榻青裁海艾氊
書報誤叨金馬召
厨空應愧木魚懸
定知別後相思處
楓葉蘆花宛句邊

天壽節日大明宮朝罷口占東張約中博士

金門珠箔轉迴廊
文武分班有舊章
花露重沾腰珮濕
松風輕度鬢絲涼
仗隨騏驥通朝貢
盃進夔龍祝壽康
最喜太常張博士
清標如雪照鵷行

江浙獻嘉禾賀丞相朶公

玉燭金穰屬化鈞
九農和氣洽深仁
靈根獨占山河秀
顆粒先迴宇宙春
天上畫圖方入貢
江南簫鼓正迎神
作書願紀成周治
慙愧無才備史臣

南城試院和張仲舉博士

紅燭搖光坐夜分學宮魚鑰鎖重門歸心已逐南湖鴈壯志空
慚北海鯤旁几香添霜漸冷隔簾燈過月微昏校文歸向西曹
日會送夔龍謁至尊

送林希元應奉赴上虞縣尹

居庸雪消河水深南行賴有買舟金相如多病因能賦東野長
貧為苦吟已許姓名辭鳳闕更傳聲價到鷄林白頭作縣臨東
海誰識先生去住心

送余廷季赴海東僉憲

綠髮相從白髮生都門握手倍多情論交豈少新朋友對酒何
如老弟兄玉節綉衣江上騎苑花宮柳日邊鷲使星一夜移東
海定遣文章到兩京

試院和周伯溫待制韻

群僊盛集瀛洲館丹鼎夫容徹夜開斗下璿魁聯外府坐間珠

唾落中台黃封酒醉賓筵散絳蠟紗籠佩馬迴禮樂光華當此
日九重側席正需才

送蘇伯脩侍郎赴淮東廉使

黃金臺上受新恩還向長陽謁至尊行殿曉寒頒玉節驛亭春
暖簇朱轡青蒲葉短烟波濶黃柳枝長雪水渾別後新詩好相
寄廣陵冠蓋接都門

送吏部郎中王可表出守棗州

別殿春深奏選歸雙旌新賜出王畿齊東山水開船近天上星
辰聽履稀竹馬總來迎使節金魚猶似掛朝衣遙知取政還車
日定草封章謁紫薇

題張真人父一間堂

真人騎鶴下蓬萊詔許諸孫次第來玉佩春隨黃道轉綠章夜
並紫雲開香分別殿傳中使書賜名山映上台還向僊都拜家

慶碧杪千樹擁霞杯

送周舍人赴山南宣慰司照磨

紫衣袖窄金圍重
花底傳呼出殿遲
欲向新年開幕府
還思舊日進朝儀
雪寒淮水魚方出
歲晚江陵橘尚垂
料得中朝盡知已
重來應是不多時

送篤敬夫赴南臺御史

御街初日柳梢紅
鴈角新冠出禁中
天上使華思詔密
江南民瘼奏書通
九宵風送孤飛鷲
萬里雲隨一騎驄
欲把真心酬聖主
青松多種石臺東

題四川張萬戶夫人貞節卷

白帝樓前巷陌深
將軍旌旆正沉沉
玉簫聲斷孤鸞曲
綠綺絃空別鶴吟
豈是人生輕一羽
要知妾死重千金
春風冢上連枝樹
只有韓憑會此心

贈僊居散人

青山四面玉差峩
中有山人隱薜蘿
細雨閉門芳草滿
微風深澗落花多
童窺丹竈時驚鶴
客寫黃庭欲換鵝
我亦平生愛疏散
春來應許謝朝珂

送道士王仲遠還江州立妙觀就東李于威太守

羽節參差佩陸離
蓬萊坊裏日偏遲
花邊奏簡雙鸞至
松下携琴一鶴隨
白日常過燕市飯
青春忽動庾樓思
江州太守吾知已
為說年來鬢已絲

送大都路陳學錄使往江浙造祭器雅樂

世祖投戈事邁豆
素王宮殿在南城
百年禮樂當今日
一代文華寄此行
潞水朝寒初過鴈
浙江春晚尚啼鶯
還鄉莫為尊鱸遲
祀典由來重兩京

送呂師賢赴山北憲史

白月微沉曙色紅
憐君書劍別匆匆
臺高日望群鳥北
海闊雲隨一鶴東
俗古尚遺箕子教
官清還慕伯夷風
遙知六轡巡行處
馬上看山日不同

送東流葉縣尹

江流東下縣南遷
一簇人烟野岬邊
荻笋洲青鷗鳥狎
楊花浪白鱗魚鮮
印來聚吏排衙鼓
社到隨民出俸錢
應是綉衣行部處
攔街齊頌長官賢

壽吳宗師

帝遣真僊位上卿
五城迢遞接蓬瀛
雲浮紫氣旌幢潤
日射紅光劍佩明
池館晝閑教鶴舞
江湖歲晚結鷗盟
軒轅曾訪長生術
應信崆峒有廣成

贈毛李祥還江南

白面書生江漢客
幾年琴劍落京華
聞雞曾度居庸雪
立馬還

看上苑花楊柳枝
長方去國薜蘿葉
短已還家遙知絲
袖娛親處酒暈微
生兩臉霞

送臺典張子誠辟山北憲史

夫容幙府清如水
愛子新來意氣多天
近烏臺依執法風
清黃閣聽鳴珂燕
山北望千峰盡遼
海東迴一騎過刀
筆曾為漢丞相
起家應不愧蕭何

送安南使者黎括省之

四海光華明主德
萬方奔走遠臣心
來依北斗朝閭闔
歸逐南流過鬱林
椰子酒酣歌蹋蹋
刺桐花落馬駸駸
遙知下國郊迎日
首啟金函播玉音

送舒亦誠南歸

芳草生庭履跡稀
棠梨花落燕交飛
題詩忽報客將去
出戶却知春已歸
天上雲開黃鸝健
江南水長白魚肥
人生最是閒中

樂早晚相從賦式微

送黃子中南還

雪風吹寒春尚遲暗黃恰上楊柳枝東門立馬旋沽酒南浦停
舟還賦詩去路間關須約伴到家歡喜總忘疲相如自是多才
思未必閒居兩鬢絲

廣微天師祈雪有應詩以美之

九枝燈照碧壇空龍虎旗高滿殿風綠簡夜深朝玉陛素幢春
淺拂珠宮一天凍色星河合萬里水華陸海同明日內家應錫
宴絲符爭取綴銀蟲

送王彬叔赴淮西憲史

黃金築臺高崖我抱犢憐君日：過丹鳳書辭莫闕白魚供
酒過淮河京華遠去交遊少幙府新來贊畫多料得聲名從此
起分司行處聽民歌

送連子奇歸隱贛州

薊門風冷白鷺來萬里孤舟一日開去路定過彭澤縣到家重
上鬱孤臺煮茶林下收黃葉理釣磯邊掃綠苔太史明朝占處
士少微依舊傍三台

送馬叔敬赴江西醫學提舉

柳花飛盡綠陰多萬里歸船發御河自嘆官閒無客到却憐君
去有誰過丹成海工收瑤州酒熟江南醉碧荷何日定將醫國
手為民談笑起沈疴

送黃季亨赴永嘉松山巡檢

萬里船開直到門江南楊柳雪絲：馬前士卒爭誇武坐上將
軍喜論文夜月村深宜紡績春風海熟稱耕耘舊時逸少曾遊
處綠水青山帶夕曛

題河間榮溥孝義堂溥嘗事哈散丞相既被罪衆皆散

溥獨收尸以葬後又白其寃得復封爵今溥官亦至四品云

丞相門前客如市一落陷阱烟塵生解衣哭尸壯士志吞炭報主前人風氣推青山作平地精貫白日成長虹當時富貴不復見惟有節象垂無窮

上都走馬大燕

紫雲扶日上璇題萬騎來朝隊伍齊織翠纒長攢孔雀鏤金鞍重嵌文犀行迎御輦爭先避立近天墀不敢嘶十二街頭人聚看傳言丞相過沙堤
樓閣別殿擁仙曹寶蓋沈沈御座高丹鳳啣珠裝驤裏玉龍蟠甕注葡萄百年典禮威儀盛一代衣冠意氣豪中使傳宣捲珠箔日華偏照鬱金袍
卿雲美日重暉一色金沙接翠微野並露肥黃鼠出地林風

軟白翎飛水晶殿上開珠扇雲母屏中見袞衣走馬何人偏醉甚錦鞬賜得海青歸
簫韶九奏南風起沙燕高低撲繡簾醺醪酒多杯迭進鷓鴣香少火重添舊分宮錦綠衣禡新賜奩珠簇帽簷日午大官供異味金盤更換水晶盃
清涼上國勝瑤池四海梯航燕一時豈謂朝廷誇盛大要同民物樂雍熙當筵受几存周禮拔劍論功陋漢儀此日送官多獻賦何人為誦武公詩

過柳河

野曠山寒露易霜短榆疎柳路茫茫雨來黃潦聚成海風過白沙堆作岡驛館到時逢數騎馳車宿處錯群羊客懷政爾無聊賴忽見南飛鴈一行

將干嶺

病體朝來正苦寒驛程又報度將干出門莫怪山谿險到嶺不知天地寬鶴背旋風欺客帽馬頭飛雪點征鞍此中自是真仙境何用吹笙駕玉鸞

榆林道中

老夫白髮已如許山後馳驅動數年正為貧民均馬政何嫌富戶倍車錢人生要在心無媿物論難齊理自然欲盡微忠報明主簡書深夜手重編

送上都吳學錄歸河東就試

驅車直渡灤河水千里青山半月程自信文章當世用人言書劍到家榮上林久已稱司馬宣室終須召賈生料得鳳池春色滿柳陰立馬共聽鶯

上京和周伯溫御史韻

漢室論功誰敢多封侯第一是蕭何逆知將相元無種却笑神

仙亦有魔映月蠹魚成脉望倚風飛燕避淘河憑闌欲說行藏事萬里長空碧似磨

輓李千戶

灤陽州色易黃昏忽報將軍號令新落日青山移石壘西風白野動邊塵凌弓直挫三千士一劍長先五百人太史已書忠孝節佇看高塚臥麒麟

榆林道中

兩行官柳夾長隄縷々青絲拂面齊馬上睡來渾似醉客中詩就却忘題一天煩暑都成雨百里平沙不作泥自笑微臣頻扈從年々載筆度山溪

興安道中

萬重山後人行路五百年前古戰場落日扮榆接鷄犬秋風禾黍沒牛羊自逢治化躋堯舜誰論封疆過漢唐慙愧小臣無補

報清時白髮許徜徉

寄王魯川推官

公庭草綠訟聲稀時見雙蝶飛曹吏盡隨衙鼓散理官獨
抱獄書歸曾同太守行紅旆更與高僧別翠微近報南臺多辟
薦殿前早晚賜朝衣

送胡斯文辟南臺掾

鳳凰臺下水東流潮去潮來白石頭細雨一帆人到听清風兩
袖客登樓幕開江上紅蓮日書寄山中碧樹秋珍重此行多意
氣繡衣玉節定重游

送倪秀才從學維揚

日日南風吹水立掛帆槌鼓下解纜青山落酒到听明月照
書還倚窓文章少年誰第一才華近日子無雙綠衣在篋須頻
着歲晚還時鶴遇江

送孟景章赴廬州判官

先帝初開太禧院一時郎吏盡瓌奇名高闕下心如鐵官到淮
南鬢已絲月照寒庭空視牘雲開秋興偶成詩舊遊天上多相
憶早折梅花寄所思

送友人還錢唐

海門飛雪涌潮頭萬里乘風起壯遊隔岸爭呼楊柳渡到家先
買浙江樓才高班馬非無賦世治蘇張似少謀賴有玉堂知己
在人生何必定封侯

送宋仁甫赴池州陰陽教授

北風吹雪路漫漫萬里荆門客正寒自愛青衫同博士也勝白
髮老長安城南款段此時別江上夫容到日看我亦春來買舟
去九華絕頂望揚瀾

贈日者范竹友

溪流繞屋綠如苔
箇二琅玕手自栽
勁節久宜君子號
清懷近為故人開
夜窓風雨驚龍起
秋谷烟霞待鶴來
誰似丹陽袁太守
時二車騎一裴回

送吳師禮赴池州直學

大江西下九華東
古殿重扉鎖學宮
載酒滿船歌白苧
題詩送客憶青楓
蒲蓮歲熟倉箱實
鹿豕秋肥俎豆豐
遙想郡齋多暇日
壺觴時在翠微中

題括蒼潘照磨具慶堂

十年孤客三尺劔
七袞雙親萬里家
江上離歌催疊雪
山中壽酒酌流霞
登堂白髮同鳩杖
繞徑紅顏共鹿車
莫羨飛丹似霜雪
括蒼崑畔有松花

送徐復初辟掾南臺

闔閭城外望金陵
千里江流一帶青
桃葉風生催客渡
杏花雨

過別郵亭黃金臺
上書方到采石磯
邊酒卻醒應是紀綱多
暇日綠陰清晝坐閒庭

芝庭為吳中靈子文賦

斜闌曲檻護春晴
五色金花照眼明
南極星低凝瑞采
東吳雲近結華英
封書欲跨青鸞奏
上壽還隨白鹿行
謝氏諸郎才摠俊
唯應幻度最知名

送醫士王安重

滿天風露氣蒼蒼
三十二臺高桂子
香白兔夜寒分玉臼
紅蓮春暖長沙床
上醫名就肱三折
大藥功成視一方
海上謾傳瓜五色
長生元不遠昌陽

贈寫神鏡塘上人歸京口

鶴翎風動碧天涼
寶月新凝百鍊霜
水面散成千種影
波心元只一輪光
玉簪道士來空室
金粟維摩現上方
此去要觀真瀆

相却收畫本過維揚

別周鍊師雲臺真館

二十八將已僊去真館有臺名偶同白鶴千年來故國青山萬
疊起神宮有時採藥幽澗底無事種花深谷中昨夜曾携龍虎
出一壇明月滿旗風

送周希元高士歸廬山

萬里江湖第一閑波濤洶涌接廬山九華雲度青天澗五老峰
迴白日間鍊藥房中猿候火散花壇上鶴隨班何時倚棹清溪
曲一笑相從覓大還

送韓執中還錢唐

萬里長江風浪多拂衣長別意如何獻書賈誼非無術決策揚
雄自有科羽檄定逢河上捷畫船還聽越中歌何時乞取閒身
去共倚湖亭醉碧荷

題廬山楊宗鄉思永樓

危樓百尺倚匡廬西蜀衣冠幾世居對客每傾桑落酒傳家猶
有草玄書天寒倚柱招黃鶴日莫憑闌數白魚萬里岷峨歸未
得亂雲飛處正愁予

新蝶

杏樹生香蠹化成向人飛下不勝情寒辭薄翅猶粘粉暖溢柔
鬚始弄晴燕舞盤中嫌露重鸞歌扇底避風輕春閨未解南華
夢乞與滕王為寫生

月舫為素鍊師賦

老龍吹浪滿江湖雪兔西飛碧落孤太乙方乘蓮一葉藥僊還
倚樹三林開窻白露沾瓊佩對酒寒光射玉壺萬頃秋波看不
盡却携靈藥上玄都

送成誼叔應奉分院上京并呈謝敬德學士

太平天子重時巡首詔詞林擢侍臣書載駝車隨劔珮射從熊
館代綠綸片雲忽送麻姑雨五月方開芍藥春想得班揚才最
瞻龍山立馬賦詩頻

東呂仲實左丞

十五年前舊供奉一官留滯越王城不因左轄輸公道誰向南
州進老生史學是非從筆削人才輕重在權衡甘泉奏對歸來
晚猶草封章獻治平

送趙國瑞舍人赴澤州同知

太行雲起亂山青馬上風吹別酒醒試論文章惟晉國還思典
禮在虞廷賣刀民化耕春雨佐印官清戴曉星迴首晴霄十萬
里大鵬終見徙南溟

送明原道赴南豐判官

日華西轉萬年枝記得甘泉奏賦歸佩馬新迎州倅節緋魚舊

賜從臣衣詩成江驛梅花瘦酒醒山城蕨菜肥為謝南豐舊詩
友白鷗春夢繞苔磯

送江西傅與礪赴廣州教授

買得吳船便欲東更騎羸馬別諸公文聲久許江西盛詩律應
歸海外工人羨義陽封介子客從秦時薦楊雄五羊城下南風
起茉莉花香荔子紅

彭叔輿赴尼山書院長

少年才學動儀曹旋賜朝衣換鵝袍萬水東歸滄海闊千厓北
拱岱山高杏花壇近蒸紅雪楷木林深漲碧濤珍重此行多令
譽古來齊魯出英豪

寄郡士陶公美

問君生事竟何如亂石溪邊小卜居止酒久知揮白墮論詩今
喜到黃初天寒門外數株柳歲晚山中一束書賴得西庄頗相

近蒼頭時遣寄雙魚

天寒落葉滿庭臯此夕思君正鬱陶
百里青山來款段一庭明月舞豪曹
賈生未遇才因大王粲雖窮氣自高
何事相逢又相別且燒紅蠟醉春醪

輓侯敬文秀才

客裏青燈二十年手書細字動成編
扁舟觸熱方辭館孤劍橫秋已夢僊
山下數椽仍舊屋溪南半頃足新田
可憐鉅鹿侯芭去誰與楊雄論太玄

采石和劉顯仁即事韻

下水春生已蜀雪上江人駕武昌船
晚風天外三弄笛落日淮南一簇烟
斷岬淺莎行獨鶴危磯倒樹立雙鳶
綠霞又報明朝霽瑟紅光萬縷懸

徐州

白雲天際散如衣四面青山落水涯
鑿石空遺唐將廟連峰猶豎漢臣旗
魚龍浪挾黃樓動牛斗星隨碧漢垂
醉倚船窓問河伯濁流何日是清時

冠州

萬里關山鬢易華冠州橋下御河斜
千門烟冷分榆火三月春寒見杏花
新水聚船人趁市順風吹旆客還家
莫憐書劍頻漂泊擬學東陵老種瓜

送汪生還江南

漕河水泮水溶三百尺帆開五兩風
戲綵歸人從海上倚門慈母問遼東
漁罾荻箬灣綠酒旆桃花處紅莫向
江南久留滯龍山還有北來鴻

送賈舍人赴廣東宣慰司照磨

五月南風起舳舻番禺曾是趙王居
貔貅萬竈新趨幕虎豹千

門舊直廬茉莉編籬香旖旎萋藤接屋影扶疎故人畫諾如流水報政還應得取書

代祀還呈太師

丞相傳宣出紫宸鶯花萬里浙江春捷書近已擒豺虎瑞紀還先慶鳳麟宇宙經綸歸聖主山河帶礪屬元臣幾迴凝睇雲霄上夜：三台拱北辰

年來供奉屢遷官聖主恩同宇宙寬左部正慚疏吏積西曹仍許進儒冠清時有道遭逢易白髮無才補報難却上船頭望江月天風吹露不勝寒

新州寄馮養素月彥明二都水丞

天子時巡猶北駐詞臣將命許南行遠聞都水來新濟到說分司在鄆城玉節遙連海潤金函近見報河清丈夫莫為離愁惜要把文章佐太平

朱仲文編脩還江西諸公分題賦詩為餞予適同載南

歸約至揚子橋分別因為賦此

瓜州渡口山如浪揚子橋頭水似雲夾岬夫蕖紅旖旎滿汀楊柳綠紛紜一杯酒向今朝別萬里船從此處分他日重來須艤棹莫教驚散白鷗群

和州和劉顥巨韻

吳船蕩漾一毫輕楚客飄零萬里情驟雨扶雲行斷岬亂山湧浪入孤城黃河風起鷗無侶紫塞春深鴈有程莫怪仲宣多感慨朝來白髮鏡中生

晚泊和州

一帶黃河百折灣下和城外更潺湲烟迷兩岬疑無地日落中原喜有山法重鹽租嚴犯界官多魚稅倍征關白頭父老相逢處猶似圮橋授履還

彭城懷古

戲馬臺前擁旆旌三齊終破到彭城項王帳底猶虞舞漢祖軍
中盡楚聲百二山河功自棄八千弟子教都傾月明閒卻烏江
渡長使英雄恨不平

崔鎮喜即少監至

使君五月渡黃河白髮依然壯志多且喜掛帆來舊約何妨醜
酒起高歌船頭北斗五更落舵尾南風連夜過自笑驅馳成底
事漪湖閒却釣魚簑

高郵夜泊

薄莫秦郵聚客船孤城三面接水田戍樓月映高低雪漁市星
搖上下天千里綠蕪分曙色萬家紅粟趁炊烟南風忽乞舟人
便幅蒲帆盡北懸

揚州別幹克莊僉憲

紅日東生綠霞收海風吹客到揚州露分僊掌金盤冷香動瓊
花玉樹秋使者乘驄開大府僊人騎鶴醉高樓朝來別我垂楊
畔珂佩如雲簇水頭

婁家港祠神回寄元臣僉憲子約監部

函香海上祠神罷獨駕樓船夜半迴萬里長風催掛席一天明
月阻登臺綉衣人仰却侯至玉節官分水部來咫尺相望不相
見白蘋洲渚重裴回

江陰君山次陸子方韻

畫橋垂柳傍官壕夾岬青山擁雪濤楚相丘墟遺石馬楚王宮
殿壓金鰲天迷鴻鴈江流濶風撼魚龍海氣高此日登臨無限
意古今消盡幾英豪

輓汪尚書妻譙國夫人

尚書謝政江南去特許夫人大國封春日堂尊酒共歲時環

坐綵衣重離鸞忽奏雲中瑟別鶴還歸隴上松白髮夫君正愁
絕空江何處採夫容

輓王君佐秀才

十里青山宅一區平生甘分隱樵漁新詩自寫因求序故篋常
隨為教書杖屨在門人去遠壺觴掛壁客來疏白雲滿地松陰
冷孤鶴時時守墓廬

和楊德章監憲詠物詩

僊子初裁蜀錦裳玉壺清映內家粧一百五日花尚好三十六
宮春正長新綠漸生應帶露舊紅微褪為經霜自從深院留題
後一任東風上下狂
右瓶中海棠
僊標厭入錦雲鄉却傲冰霜取次芳銀燭高烧遊太液紫綿初
拂侍明光春撓杏蒂微生暈暖漏梅梢欲試粧不是東君偏耐
冷要將風韻入詩囊
右冬日海棠

送蜀士史道章訪蕃昌張縣尹

上江船裏枕書看雪浪千堆寄一翰太白山人元蜀學蕃昌縣
令只儒冠渚花對酒公庭晚沙草憐衣客路寒携得琅玕滿歸
袖謝公臺在碧雲端

送赴試春官

水落沙痕寄岬齊冬深無雪齋生泥遙知上馬徐州北且看開
船句水西待詔門開金驥裏榮恩燕賜玉偏提若將文字追時
好萬里雲霄自有梯

送內官棄職買書歸蜀立三賢祠

內官買書三十萬從此聲名天下知正為身輕歸印早不妨船
重到家遲客非杜甫依嚴日人是文翁化蜀時愧我無由能載
酒敲門頻問子雲奇

輓陳公輔縣尹

短衣垂脛寄遺孤自立聲名重里閭座上昇彛前代器篋中經
史外家書縣花春老初封印庭藥秋慵久廢耒惆悵冰壺清絕
處露寒應是泣蟾蜍

峨眉山

霧作衣裳雲作屏玻璃萬頃着娉婷望夫石上偏多雨織女河
邊欲墮星蟬蛩夏涼收淺絳蟾蜍秋冷抹長青可憐天際微顰
處六代興亡一夢醒

詠姚氏瑞蓮

雨洗瑤池六月涼侍兒初試錦雲囊花開雙鳳迷歌扇子綴群
蜂背蜜房波淨忽成溪女匹露寒却笑月娥孀合歡帳底鴛鴦
夢臂枕猶聯玉雪香

題丁元善鍊師陽明樓

賀老家西百尺樓好山多處稱僊遊丹光散作霞千縷劍氣吹

成月一鉤窗外鶴歸遼海暮袖中龍起鑑湖秋道人久直黃金
殿可使歸來雪滿頭

謝季衡上人惠松花湯餅

雲門寺裏青松樹五月南風花正香膜粉輕披魚子白藥珠重
綴蜜脾黃餅和甘露曾分送湯合僊霞更共嘗慙愧老僧多意
氣一杯毛骨盡清涼

送國子掌儀居仁還山東

京國相逢二十年當時綠髮盡華顛升堂獻贄吾居後立館司
儀子在先夜雨溪聲連客枕夕陽山色滿歸船古來齊魯多奇
士側耳聲名起日邊

贈淵上人住涇縣延壽寺

半生辛苦住城西脩竹滿園蔬滿畦正愛閒雲依疊嶂忽隨流
水度三溪藤花院靜禪初定榭葉村深路欲迷此去莫憐知己

少青山到處好留題

登會稽寶林寺塔

百尺浮圖東海上晴天目力見秋毫莫愁風露衣裳薄且喜雲霄步武高屋角長松來鶴背城頭荒草落鴻毛闌干倚遍心猶壯更待持杯酌雪濤

送山陰賈縣尹

公吏呼籌催坐衙朝下馬事如麻三年作官唯飲水萬里還朝先過家賈傳席前因獻策潘郎縣裏只栽花江船明日西興渡兩岬青山白鴈斜

和王繼學憲使玉泉觀魚韻

一方寒玉浸冷天上雲開影倒青卓錫黃龍曾聽法撫闌頽鯉亦通靈明珠碎逐涼風散濕翠空圍月露零此日使君行樂處一時民俗自清寧

陪使少監海脩撰飲西湖

十年不到西湖上此日重來意倍親尊酒暫陪天上使畫船猶待水邊人題詩香漬箋花舊度曲聲傳玉樹新歸醉小樓明月曙開元鍾鼓正朝真

送外兄李學父

鷓鴣涼雨睡偏宜正是敲門下馬時萬里風塵從戍早十年江海到家遲書持使節真行錦春上萊衣欲繡絲且買樓船醉雙玉紅蓮白菊滿西池

送醫士張景遠歸太平之黃池

秋塘雨白水平堤有客撐船繫屋西司馬賦多方病渴葛洪丹煎尚封泥滿階花落惟金鳳開戶香來是木犀昨夜月明天似水櫓聲不覺過龍谿

劉山驛

開窓坐看千峰頂對酒還思萬里程
飛雨遠隨松子落濕雲近
向樹頭生正愁絕壁鳥鶯背
忽聽半空鷄犬聲安得身騎遠海
鶴徧遊八極醉吹笙

出大橫道中

朝來數騎嶺頭過忽見青山障
白波候吏報來先擊鼓取鮮船
至盡吹螺南邊治火烟塵少
天上恩深雨露多料得祝釐還報
日春風楊柳滿官河

武夷道中

蒼龍飛起崖中斷九曲溪流直
上天駕空舟船遺故物幔亭簫
管會真僊大王巖上雲初散
玉女門前月正圓醉裡權歌聲未
已忽看孤鶴下翻

贈漳南巡檢許以衷

將軍早獻安邊策手挽強弓起七閩
正為功名輕萬里已知勇

畧冠千人鳳鳴鼓角山村曉日射旌旗
海戍春正馬何時渡江
水笑談為國掃妖氛

懷安縣別莊嘉監憲

荔支食罷龍眼熟此日閩南使者過
得俸莫嫌三月少買舟已
覺一時多盟鷗狎舞迎歸權別騎
驕嘶動佩珂酒醒青天明月
上思君迢迢奈愁何

建寧得宣州家書

江上千戈猶未息此身何處可偷安
居民戰死終無援主將逃
生竟被殘已報老妻來太未尚憐孤
姪寄長干扁舟十日閩溪
上恨不身生兩羽翰

題樂逸軒

山下長溪二上村溪山如畫正當門
遣懷詩就題蕉葉理釣船
歸繫柳根問姓不教通郡縣買書只
許遺兒孫相望只是柴桑

里何日從君酒一尊

題宋仁甫樂山亭

當陽城外碧嵯峨，獨構危亭意若何。
嵐氣漸來簷角少，水聲偏向石稜多。
青雲鶴慣荊州舞，白雪人傳郢上歌。
何事近來真得趣，新松十萬在巖阿。

建德城西寺

山門東轉步廊深，長日禪房占綠陰。
松逕雨晴添虎跡，竹潭風冷聽龍吟。
上林久說相如賦，故里徒誇季子金。
獨坐胡床看明月，不知涼露濕衣襟。

蘭溪胡仁中家喜雨

赤日行空勢似焚，老龍一起雨翻盆。
芙蓉趁水江侵岬，穉穉盈疇綠繞門。
自是風雲當盛會，從知天地有深恩。
朝來熟睡南窓醒，却憶樂陽從至尊。

龍公夜捲天河水，散作虛空風雨聲。
豈獨榮華霑潤澤，要令枯槁遂生成。
藥欄雙蝶凌晨舞，草岸群蛙徹夜鳴。
造化功神竟無迹，披衣默坐前榮。

江山縣

萬山深處開孤縣，下馬入門風滿庭。
雨脚遠垂松澗白，雲陰低覆稻田青。
已知買劍人歸野，還憶彈琴客在亭。
安得寰區皆卓魯，最書時復報虞廷。

台州留別林希元

三年直閣常懷士，萬里乘槎許問津。
滄海日華中夜曉，赤城霞氣四時春。
謝公高卧元非隱，陶令歸來豈為貧。
白髮清心自多壽，更從何處覓仙人。

贈天台李鍊師

翠蛟青鳳下晴空，家住天台第幾重。
歲久松脂成琥珀，夜深丹

氣出夫容僊童奏簡騎文虎太乙懸旗起絳龍昨夜從師到天
上故山還著白雲封

題天台方氏山亭

赤城霞氣燭天起四面窓開碧樹涼山鳥晝啼深竹裏溪魚晚
近落花傍茯苓酒共僊人飲蛤蜊盤分野老嘗何日投簪東海
去秋風同制芟荷香

過鴈山

王事驅馳敢厭勞秋風白髮氣猶豪八千餘里行正遠四十九
盤山更高石壁連雲愁鳥道海門飛雪壯鯨濤同遊賴有孫公
子時遣新詩浣鬱陶

建寧道中

雙玉山前溪水流朝來風雨暗灘頭舟穿亂石方停棹驛傍空
巖更近樓江海十年飛野鶴乾坤萬里蕩沙鷗七閩見說多凋

獎莫為尊鱸動客愁

延平

樓閣近依山上下市橋橫接岬東西四時雲氣浮孤堞萬壑泉
流會一溪道學已同漁洛盛劔光猶與斗牛齊延平祠下歸來
晚獨對寒燈待曉鷄

蒜嶺道中

溪雲帖々雨沉沉頓覺新寒薄莫侵待渡人歸榕葉岸過山驛
候荔支林清游暫作還鄉客白髮難忘報國心莫哄行囊輕似
羽一錢元自重千金

泉州驛別太守與世玉

老夫欲起猶便睡候吏頻催却治行萬里烟雲隨驥足五更風
雨雜雞聲乾坤笑我應無補江海逢君倍有情且解金魚沽別
酒洛陽橋下正潮平

賦韶州王太守養老園

手種滿園桃李樹東風披拂爛如霞歌催金縷停鳩杖酒注銀
瓶載鹿車白日青春閒衛戟碧溪流水護僊家使君自是吹簫
侶不記葛蒲幾度華

漳州

漳南五縣半溪洞狂獠恃險時縱橫巨蛇吞豕出當道猛虎搏
人行近城如何百年漸禮化尚爾兩度煩天兵頑愚無知固可
悼承宣亦合思廉平

玉泉為宜春黃子中賦

銀河迸落青天上畫作山中風雨聲溪岬碧桃千歲在石田瑤
草四時生雲流空洞潛蛟舞月涌潺湲睡鶴驚幾度秋高環珮
冷瓊僊吹笛過蓬瀛

風涇舟中

白髮飄蕭寄短蓬春深盃酒憶曾同落花洲渚鷗迎雨芳草池
塘燕避風烽火此時連海上音書何日到山中故人別後遙相
望夜：空隨斗柄東

送汪仲恭往千山

白月團：星斗稀夜深船去疾如飛聲傳海角來鴻鴈先涌潮
頭出貝璣歲晚正當還漢節天寒誰為寄蘇衣夫容絕頂鏡天
祿何日相從跨鶴歸

和千山孫元實韻

霜落梧桐葉上銀秋來白髮似相親詩工不讓唐人律政拙空
慚漢吏循誰謂度遼能下士自因逢掖學驚人吳松江上夫容
老還憶南山佩可紉

和潘叔寬所寄詩韻

一笑行藏似賁須誰知白髮事皆殊蒼龍欲化平津劍老蚌應

還合浦珠蔡女書傳猶四百山公學在未全孤秋來江海非無志奈此兵塵滿道途

風雨吳江秋漸過別來身世轉蹉跎蒲階金鳳落將少傍水樹鷄生尚多且對清尊歌慷慨莫嫌白髮舞婆娑欲將功業標銅柱誰是當年馬伏波

感春

會稽東望隔兵塵消息傳來總不真楊柳傍人青眼舊梅花笑我白頭新一愁風雨三更夢萬里乾坤二月春寂寞心期誰會得獨支筇竹立江濱

吳景文居庭牡丹盛開飲後有感

韶光天遣屬君家猶是東京第一花金鼎夜寒團絳雪錦機春暖簇紅霞倚風忍作纏頭舞避日還將便面遮薄莫闌干同醉倚却憐孤客鬢先華

題朱教授送行詩卷

至正十八年冬余自省府退歸西湖之上郡博士朱君斗瑞來謁出示京師送行詩一卷讀之則揭學士峻丞旨吳大宗師王尚書沂潘司業迪陳監丞旅胡應春助劉博士聞馮助教三奇凡九人去今纔二十年皆已凋謝無存者為之撫卷嘆息因係之詩曰

中朝諸老凋零盡一讀遺詩感慨多萬里還家猶俎豆十年為客尚干戈秋風東海雲帆舉春水西湖畫舫過此去太平應有象杏花深處聽絃歌

用謝元功韻贈劉生庸道還錢唐

綠陰門巷燕遲歸白日看書見客稀自是病多便野服豈因性僻解朝衣諸生載酒臨滄海獨子開船背落暉有約重來莫相遠好將編簡究精微

送方舟上人住靈鷲

靈鷲之山出東海小朵飛來不記年
佛國夜光珠作闕龍宮春
冷玉為泉浮雲不礙遊人履
流水還隨釣客船試問禪師去何
處夜來騎虎上西天

巴陵女子韓希孟貞節

尚書子婦魏王孫清白傳家節更文
諸將已指南渡主孤身猶
抗北來軍血書夜灑巴陵月烈氣秋橫
鄂渚渚雲欲弔忠魂無覓
處唯應瑤席從湘君

寄謝丞相康里公

海雲飛盡天如水夜々遙瞻北斗高
正愧無才叨末座忽聞有
命轉東曹鵬搏已借扶搖力鯨背終成
餉運勞白髮儒生何以
報唯應執筆從夔臯

送胡孟然還錢唐并東周伯溫程以文字文子貞

老夫移家東海上愛子相從又一春
官為閒多知性僻客因住
久見情親諫章行曳尚書履
漉酒誰同處士中此去故人如問
訊一槎將泛越江津

送有身姪還錢唐

嗣宗諸姪仲容賢客路飄零雪滿顛
曾為頌椒留子美却思戲
蠟愛僧度十年江海三杯酒
百里溪山一釣船何日兵戈得休
息敬亭春雨共歸田
錢唐壯觀天下奇昔日繁華曾見之
夜月管絃唯鼓角春風羅
綺盡旌旗湖山謾想遊人樂
城郭徒增志士悲今日別離東海
上一瓢村酒鬢如絲

題劉生庸道竹林書室圖

劉生讀書竹林下蒲耳金石聲琅琅
翠陰碎落日當戶緜帙亂
翻風床中夜蛟龍神變化清時鸞鳳瑞
文章此君標致誰能

寫一幅雲烟墨數行

送朱道夫赴廣西巡檢

將軍慷慨出幽燕又佩刀弓過海邊桂嶺秋回南去鴈潯江夜泊北來船正憐主印官無事更喜迎親祿有田萬里若逢天上使好將詩句寄蠻牋

題蘆花被圖

秋深江上白蒙茸野客分來一色同酒醒孤蓬卧明月帳寒老屋不禁風羽毛乍聚搏空鶴蹤跡真成踏雪鴻夜半何人吹鐵笛夢魂疑在楚江東

次韻李清叔元夕

絳燭燒烟散滿城九衢車馬似潮聲山河影轉琉璃薄陸海光浮菡萏平蝶睡誤翻歌扇暖鵲驚疑報晝禱晴夜闌人靜天如水依舊殘星數點明



